



Broj: 05-551-11-2/23
Sarajevo, 20.10.2023. godine

Na osnovu člana 23. Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka g) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), a na osnovu preporuke Komisije za nabavke iz Zapisnika o pregledu i ocjeni ponuda broj: 05-551-10-2/23 od 16.10.2023. godine, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke roba – Lot 2

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 05-551-10-2/23 od 16.10.2023.godine i Ugovor za nabavku i instalaciju opreme za uspostavu infrastrukture data centra za potrebe Agencije za bankarstvo Federacije BiH (u daljem tekstu: Ugovorni organ) dodjeljuje se najpovoljnijem ponuđaču „Bosnien Business Systems“ d.o.o. Sarajevo.

Član 2.

Ukupna vrijednost Ugovora iz člana 1. ove Odluke utvrđuje se u iznosu od 989.338,00 KM bez uračunatog poreza na dodanu vrijednost (PDV), što sa uračunatim PDV-om iznosi 1.157.525,46 KM.

Član 3.

Nakon sticanja uslova Ugovorni organ će sa izabranim ponuđačem zaključiti Ugovor o nabavci roba, kojim će regulisati međusobna prava i obaveze.

Član 4.

Odluka će biti objavljena na internetskoj stranici Ugovornog organa: www.fba.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa odredbama člana 70. stav (6) i člana 71. stav (2) Zakona o javnim nabavkama.

Član 5.

Za izvršenje ove Odluke zadužuje se i ovlašćuje Sektor zajedničkih funkcija.

Član 6.

Ova Odluka stupa na snagu danom donošenja.

O B R A Z L O Ž E N J E

Odlukom o pokretanju postupka nabavke roba, broj: 05-551/23 od 07.06.2023. godine, odobreno je provođenje postupka javne nabavke i instalaciju opreme za uspostavljanje hardverske infrastrukture data centra za potrebe Ugovornog organa. Javna nabavka provedena je putem otvorenog postupka, a kao kriterij za izbor najpovoljnije ponude odabrana je najniža cijena.

U skladu sa članom 35. Zakona o javnim nabavkama, Obavještenje o nabavci broj: 3010-1-1-159-3-43/23 objavljeno je na Portalu javnih nabavki (www.ejn.gov.ba) dana 09.06.2023. godine, a sažetak Obavještenja o nabavci u „Službenom glasniku BiH“, broj: 43/23 dana 16.06.2023. godine. Postupak javne nabavke je podijeljen na Lot-ove:

1. Lot 1: Softverska rješenja za uspostavu infrastrukture data centra za potrebe Agencije za bankarstvo Federacije BiH i
2. Lot 2: Nabavka i instalacija opreme za uspostavu infrastrukture data centra za potrebe Agencije za bankarstvo Federacije BiH.

Ispravka obavještenja o nabavci broj: 3010-1-1-164-8-48/23 objavljena je na Portalu javnih nabavki dana 07.07.2023. godine, a sažetak Ispravke obavještenja o nabavci u „Službenom glasniku BiH“, broj: 49/23 dana 14.07.2023. godine; Druga Ispravka obavještenja o nabavci broj: 3010-1-1-164-8-56/23 objavljena je na Portalu javnih nabavki dana od 04.08.2023. godine, a sažetak Ispravke obavještenja o nabavci u „Službenom glasniku BiH“, broj: 56/23 dana 11.08.2023. godine.

Procijenjena vrijednost predmetne javne nabavke utvrđena je u iznosu od 1.290.000,00 KM bez uračunatog poreza na dodanu vrijednost (PDV), Lot 1: 300.000,00 KM bez uračunatog poreza na dodanu vrijednost (PDV) i Lot 2: 990.000,00 KM bez uračunatog poreza na dodanu vrijednost (PDV).

U skladu s Rješenjem Ugovornog organa, br. 05-551-6/23 od 06.09.2023. godine, imenovana je Komisija za javne nabavke, kojim su definisane njene nadležnosti, a koje, između ostalog, uključuju poslove javnog otvaranja ponuda, pregled i ocjena dostavljenih ponuda, sačinjavanje zapisnika o pregledu i ocjeni ponuda, te davanje preporuke Ugovornom organu za donošenje odluke o izboru ponuđača.

Sljedom navedenog, Komisija je u okviru svojih nadležnosti i ovlaštenja provela predmetni postupak javne nabavke, te o tome sačinila Zapisnik o pregledu i ocjeni ponuda za Lot 2, br. 05-551-10-2/23 od 16.10.2023. godine, u kojem je konstatovano da su u predmetnom postupku javne nabavke za Lot 2 pravovremeno pristigle ukupno 3 (tri) ponude.

Na osnovu izvršene analize i ocjene ponuda u pogledu kvalifikacijskih i cjenovnih uslova postupka javne nabavke, Komisija je utvrdila sljedeće:

- Ponude ponuđača „Bosnien Business Systems“ d.o.o. Sarajevo i „MIBO Komunikacije“ d.o.o. Sarajevo su prihvatljive, obzirom da iste ispunjavaju sve uslove koji su propisani Tenderskom dokumentacijom te su dostavljeni svi dokazi zahtijevani Tenderskom dokumentacijom na propisan način.
- Ponuda ponuđača „COMTRADE SISTEM INTEGRATION“ d.o.o. Sarajevo nije prihvatljiva, obzirom da ista ne ispunjava sve uslove koji su propisani Tenderskom dokumentacijom te nisu dostavljeni svi dokazi zahtijevani Tenderskom dokumentacijom na propisan način.

Nakon odabira prihvatljivih ponuda, Komisija je putem Portala javnih nabavki zakazala e-Aukciju, shodno članu 4. Pravilnika o uslovima i načinu korištenja e-Aukcije („Službeni glasnik BiH“, broj 66/16).

Po okončanju e -Aukcije, a u skladu sa Izvještajem o toku i završetku e-Aukcije u sljedećoj tabeli se daje rangiranje konačnih prihvatljivih ponuda:



Redni broj	Ponudač	Ukupna cijena, bez PDV-a
1.	„Bosnien Business Systems“ d.o.o. Sarajevo	989.338,00 KM
2.	„MIBO Komunikacije“ d.o.o. Sarajevo	990.000,00 KM

Uvidom u priloženu dokumentaciju vidljivo je da je ponuda ponuđača „Bosnien Business Systems“ d.o.o. Sarajevo ocijenjena kao prihvatljivija, da je nakon okončane e-Aukcije njegova ponuda ocijenjena kao najpovoljnija, te je Komisija dala preporuku da se istom, saglasno članu 69. stav (1) tačka b) Zakona o javnim nabavkama dodijeli Ugovor za Lot 2 u predmetnom postupku javne nabavke.

U postupku donošenja ove Odluke posebno su cijanjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz Tenderske dokumentacije.

Uvažavajući naprijed navedeno, primjenom člana 25., člana 64. stav (1) tačka b), člana 70. stavovi (1), (3) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove Odluke, saglasno članovima 97., 99. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



DIREKTOR
 Jasmin Mahmužić

Dostaviti:

1. Ponuđačima u postupku;
2. Sektoru zajedničkih funkcija;
3. a.a.

